

Daya Tarikan & Aktiviti

A. Mulakan penjelajahan bakau

Jelajahi keunikan hutan paya laut yang menakjubkan di pulau ini melalui aktiviti penyelusuran bot yang dipandu oleh pemandu pelancong tempatan yang bertauliah. Alami keindahan pemandangan pulau dan sekiranya berasib baik, anda berpeluang menyaksikan kehadiran burung hijrah. Hayati bagaimana masyarakat setempat bergantung kepada hasil perikanan sebagai sumber mata pencarian mereka dan turut serta dalam aktiviti menanam pokok bakau serta menyemai biji benih bakau demi kelestarian ekosistem hutan paya laut di pulau ini.



B. Jelajah kampung

Hayati kebudayaan setempat dengan merasainya. Nikmati masakan tempatan asam pedas dan nasi lemak daun simpoh serta pelajari teknik menyediakan makanan istimewa dari penduduk setempat. Jelajah di sekitar kampung dan singgah ke beberapa perusahaan industri desa seperti pembuatan krafangan, penyediaan produk teh jeruju, perusahaan madu kelulut, permainan tradisional Jong dan pelbagai lagi.

TEMPAH SEKARANG

SILA BUAT TEMPAHAN ANDA
SEMINGGU (7 HARI) SEBELUM TARikh TEMPAHAN



C. Alami pengalaman sebagai pemancing tempatan

Hubungkan rel pancing anda dengan kepakaran nelayan tempatan. Aktiviti perikanan rekreasi disasarkan kepada nelayan santai dan pemancing tegar. Anda juga boleh meminta untuk memasak hasil tangkapan mengikut resepi tempatan.



D. Pembinaan Keupayaan

Gaya hidup yang agak sibuk pada masa kini menjadi faktor keletihan emosi. Anda boleh luangkan masa bersama kami untuk mengamalkan gaya hidup sihat. Kami menyediakan aktiviti berpasukan, kembara Bukit Belungkor, kem latihan asas dan percutian rohani untuk meningkatkan kekuatan fizikal dan mental anda.



E. Pendidikan / Latihan

Selaras dengan sistem pendidikan negara kita, pendidikan alam sekitar dapat dihayati apabila pelajar, siswazah dan masyarakat diberi peluang melihat secara langsung ekosistem yang dipelajari. Di Tanjung Surat, latihan pendidikan boleh dilaksanakan secara santai berkonsepkan bilik darjah untuk mempelajari teori asas mengenai hutan paya laut termasuk aktiviti kerja lapangan seperti pendekatan saintifik menggunakan modul, aktiviti kumpulan dan perkhemahan sekolah.

termasuk




Pengangkutan:

Anda boleh meletak kenderaan anda dengan selamat di tempat letak kereta berdekatan jeti Tanjung Belungkor atau melintasi Sungai Belungkor menggunakan pontoon pengangkutan kargo. Terdapat bot berjadual yang berkapasiti 10 orang merentasi Sungai Belungkor.

Perancangan Aktiviti & Penjadualan Percutian:

Aktiviti dan jadual percutian boleh diatur lebih awal bersama operator percutian dan disahkan tujuh (7) hari sebelum tarikh bercuti. Sebarang perubahan adalah tertakluk kepada keadaan cuaca, pasang surut air laut dan kesesuaian pelaksanaan aktiviti.



EKO KEMBARA ALAM SEMULA JADI

Terokai pengalaman baru dengan menyokong Program Pemuliharaan Hutan Paya Laut Berasaskan Komuniti dan Kelangsungan Hidup Lestari yang memberi tumpuan kepada peluang-peluang pembangunan ekopelancongan tempatan. Program ini bertujuan untuk memperkenalkan gaya hidup dan meningkatkan nilai sosio-ekonomi komuniti setempat di Tanjung Surat yang melindungi dan memulihkan kawasan hutan paya laut mereka daripada terancam.

DILAKUKAN OLEH:



aramco



DISOKONG OLEH:



KEMENTERIAN
PENDIDIKAN
MALAYSIA

Pejabat Pendidikan Daerah Kota Tinggi

Pulau Tanjung Surat

Pulau Tanjung Surat adalah kediaman bagi 418 penduduk bagi 112 keluarga daripada tiga gugusan kampung – Kampung Linting, Kampung Tanjung Surat dan Kampung Nyior. Pulau ini terletak jauh dari kota menjadikannya kawasan strategik untuk lari dari hiruk-pikuk pusat bandar. Masih ramai belum tahu mengenai keunikan Pulau Tanjung Surat yang dilitupi kepelbagaiannya spesies hutan paya laut, habitat kepada flora dan fauna termasuk hidupan laut.



Jom ke sana!

Bagi pelancong tempatan atau dalaman, pengangkutan utama ke Pulau Tanjung Surat adalah dengan menggunakan perkhidmatan bot atau perkhidmatan pontoon. Sekiranya anda dari Singapura atau Batam Indonesia, boleh menggunakan perkhidmatan feri Terminal Feri Tanjung Belungkor : www.limbonganmaju.com.

Perkhidmatan pontoon disediakan bagi membawa kenderaan luar masuk ke Pulau Tanjung Surat. Masyarakat setempat Pulau Tanjung Surat hidup secara bersederhana, bergantung penuh dengan ekosistem sekeliling mereka dengan kemudahan asas seperti masjid, sekolah rendah, klinik desa dan jeti nelayan tempatan.

Hutan Paya Laut Tanjung Surat

Tanjung Surat ialah salah satu mukim dalam Daerah Kota Tinggi. Pulau Tanjung Surat terletak bersebelahan dengan Hutan Simpan Belungkor di bahagian Tenggara Sungai Johor. Hutan paya laut Pulau Tanjung Surat merupakan hutan terbaik di Sungai Johor yang menjadi tempat tinggal kebanyakan spesies flora dan fauna, padat dengan spesies bakau yang malar hijau dan ekosistem bebas pencemaran. Walaupun terpencil, Pulau Tanjung Surat menawarkan keunikan alam semulajadi hutan paya laut yang tidak ternilai harganya.



PETA EKOPELANCONGAN TANJUNG SURAT

